

AN ATON MINISTERYO HA GINHADIAN

AGOSTO 2011

SEMANA HAN AGOSTO 8

Karantahan 44 Ngan Pag-ampo

□ Pag-aram ha Biblia han Kongregasyon:

cl kap. 8 ¶17-24, kahon ha p. 86 (25 min.)

□ Teokratiko nga Eskwelahan ha Ministeryo:

Pagbasa han Biblia: Salmo 92-101 (10 min.)

Num. 1: Salmo 94:1-23 (4 min. o minus pa)

Num. 2: An Ginhadian han Dios Magtagatagan
hin Pagkaon Para ha Ngatanan Ngan Magwara
han Sakit—rs-E p. 229 ¶3-5 (5 min.)

Num. 3: Pagbantay Kontra ha Limborg han
mga Manggad—Mat. 13:22 (5 min.)

□ Katirok ha Pag-alagad:

Karantahan 94

5 min: Mga Pahibaro.

10 min: Magpakita hin Pagtagad ha Tagbalay.
Pahayag basado ha *Eskwelahan ha Ministeryo* nga
libro, pahina 186-187. Ipapasundayag hin madaliy
an usa o duha nga punto tikang ha reperensya.

10 min: Mga Eksperyensya ha Pagtikang hin
Pag-aram ha Biblia. Pakighisgot nga pagdudumara
han paramangno han pag-alagad. Kumentasyoni
an kongregasyon tungod han ira pagsusposta
ha kahikayan ha pagtikang hin mga
pag-aram ha Biblia ha siyahan nga Sabado han
bulan. Aghata an mamarati ha pagsumat hin makalilipay
nga eksperyensya. Mahimo ipasundayag
an usa o duha hito.

10 min: “Usa ka Makalilipay Hinduro nga Buruhaton.” Pakiana ngan baton. Pag-interbyu hin
madaliy hin magwarali may kalabutan han kalipay
ngan katagbow nga iya nakarawat ha pagduma
han nag-uuswag nga pag-aram ha Biblia.

Karantahan 112 Ngan Pag-ampo

Usa ka Makalilipay Hinduro nga Buruhaton

¹ Daku an kalipay han mga nakakita han pi-
sikal nga pagpanambal ha siyahan nga siglo.
(Luk. 5:24-26) Yana, may-ada liwat kita kalipay
ha pakigbahin ha espirituwal nga pagpanambal.
(Pah. 22:1, 2, 17) Nalilipay gud kita nga
makabasa hin mga eksperyensya han mga in-

1. Ano nga pagpanambal an ginhimo yana?

Para ha Pilipinas

dibiduwal nga nabag-o pinaagi han Pulong ni
Jehova ngan han baraan nga espiritu! Kondi
mas daku an kalipay ha *pakigbahin* hini nga
buruhaton pinaagi ha pagdumara hin nag-uus-
wag nga pag-aram ha Biblia.

² Ano an ngaran han Dios? Kay ano nga gin-
tutugotan niya an pag-antos? Ano an hihimo-
on han Ginhadian han Dios para ha katawo-
han? Nalilipay kita diri la ha pagbaton han
sugad nga mga pakiana kondi ha pagkita li-
wat han kalipay han estudyante han hibaroan
niya an kamatuoran. (Prob. 15:23; Luk. 24:32)
Samtang nag-uuswag hiya, bangin gamiton na
niya an ngaran ni Jehova, bag-uhon an iya pa-
mado ngan pag-ayos, bayaan an nakakadaot
nga mga buhat, ngan isumat ha iba an iya
hinbaroan. Kon padayon hiya nga mag-uswag
ngadto ha dedikasyon ngan bawtismo, magi-
gin bugto naton hiya ngan igkasi-magburuhat.
An tagsa hini nga pag-uswag hinungdan hin
kalipay.—1 Tes. 2:19, 20.

³ **Mahimo Ka ba Makigbahin?** Kon karu-
yag mo makigbahin hinin makalilipay hinduro
nga buruhaton, pag-ampo kan Jehova
nga makabiling ka hin madudumara han
pag-aram, ngan pagbuhat uyon han imo
pag-ampo. (1 Juan 5:14) Pagsangyaw ha lugar
ngan ha oras nga may mga tawo, ngan pagtan-
yang hin pag-aram ha ngatanan nga higayon.
(Ekles. 11:6) Kon makabiling ka hin intere-
sado, balik ha pagkultibar han iya interes.
—1 Kor. 3:6-9.

⁴ Damu pa hinduro an nagugutom ngan na-
uuuhaw ha kamatuoran. Hin-o an mabulig ha
pagtagana han ira espirituwal nga pangin-
hanglan pinaagi ha pagdumara ha ira hin pag-
aram ha Biblia? (Mat. 5:3, 6) Hinaot kinasing-
kasing nga makigbahin kita ha pagsangyaw
ngan paghimo hin disipulo antes matapos an
pag-aní.—Isa. 6:8.

2. Ano an mahimo maghatag ha aton hin kalipay samtang igintututdo naton an kamatuoran?
3. Ano an aton hihimoon basi makagdumara hin pag-aram?
4. Kay ano nga sadang naton abaton an pagkaapu-
rado ha pagtanyag hin pag-aram?

SEMANA HAN AGOSTO 15

Karantahan 39 Ngan Pag-ampo

□ Pag-aram ha Biblia han Kongregasyon:

cl kap. 9 ¶1-7 (25 min.)

□ Teokratiko nga Eskwelahan ha Ministeryo:

Pagbasa han Biblia: Salmo 102-105 (10 min.)

Num. 1: Salmo 105:1-24 (4 min. o mimos pa)

Num. 2: Kon Kay Ano nga Diri Kita Sadtang Makarag han Aton Ginpibayaan han Nag-alagad Na Kita kan Jehova—Luk. 9:62 (5 min.)

Num. 3: An Ginhadian han Dios Magtatagana hin Balay, Trabaho, Ngan Seguridad Para ha Ngatanan—rs-E p. 229 ¶6-p. 230 ¶2 (5 min.)

□ Katirok ha Pag-alagad:

Karantahan 85

5 min: Mga Pahibaro.

10 min: Buligi an mga Interesado nga Mag-uswag. Pahayag basado ha *Eskwelahan ha Ministeryo* nga libro, pahina 187, parapo 6, tubtob ha pahina 188, parapo 3.

20 min: “*Jehovah’s Witnesses—Organized to Share the Good News.*” Pakiana ngan baton. Para hin halipot nga introduksyon ngan konklusyon, gamita an siyahen ngan ultimo nga parapo.

Karantahan 47 Ngan Pag-ampo

ngan ha sobra 230 nga nasud. (Mat. 24:14) Kay ano nga importante ini nga buruhaton? Paonan-o ito ginhihimo ha bug-os nga kalibutan? Ito nga mga pakiana babatunon han video nga *Jehovah’s Witnesses—Organized to Share the Good News*. Naghahatag ini hin mga detalye han damu nga bahin han aton buruhaton ha bug-os nga kalibutan. Katapos magkita hini, tagda ini nga mga pakiana.

Paonan-o ini nga video nagpauswag han imo apresasyon (1) ha pangalimbasog han organisasyon ni Jehova ha pagsangyaw han maopay nga sumat? (2 Tim. 4:2) (2) ha pamilya han Bethel ha bug-os nga kalibutan? (3) ha pagbansay ha mga paramangno ngan misyonero? (2 Tim. 2:2) (4) ha kapulsanan han pagtikang han kada adlaw pinaagi ha pagtagad hin teksto ha Biblia ngan ha pag-andam para ha mga katirok ha kongregasyon kada semana? (Buh. 17:11) (5) ha mga kapulsanan han pagtambong ha aton mga katirok? (Heb. 10:24, 25) (6) han ipapahinabo han Paraiso ha tuna? (Isa. 11:9) (7) ha personal nga pakigbahin ha nagpadayon nga pag-ani nga buruhaton?—Juan 4:35.

Ini nga video nakabulig gud basi magin pamilyar an mga interesado ha bug-os-kalibutan nga buruhaton han mga Saksi ni Jehova. (8) San-o an maopay nga higayon nga ipakita ini ha mga estudyante ha Biblia, mga paryente, ngan ha iba? (9) Ano an ira positibo nga reaksyon han iginpakita mo ito?

Samtang aton ginpapamalandong an mga ginbubuhat ni Jehova, nababantad kita ha ginsiring han salmista: ‘O Jehova, nga akon Dios, damu an urusahon nga imo ginhimo, ngan an imo mga hunahuna ha amon; [“waray usa nga kapariho ha imo,” NW].’ (Sal. 40:5) Hinaot gamiton gud naton ini nga video ha pagbulig ha iba nga mapahilarom an apresasyon kan Jehova ngan ha iya organisasyon!

Jehovah’s Witnesses —Organized to Share the Good News

Ha sobra 100 ka tuig na, an mga Saksi ni Jehova organisado ha pagpasamwak han maopay nga sumat. Hinin gidadakui nga kampanya ha pagsangyaw, iginpipresenta naton an mensahe ha ginatos nga yinaknan

SEMANA HAN AGOSTO 22

Karantahan 54 Ngan Pag-ampo

- Pag-aram ha Biblia han Kongregasyon:**
cl kap. 9 ¶8-17 (25 min.)

Teokratiko nga Eskwelahan ha

Ministeryo:

Pagbasa han Biblia: Salmo 106-109
(10 min.)

Num. 1: Salmo 109:1-20 (4 min. o minus pa)

Num. 2: Pahihinaboon han Ginhadian han
Dios nga Magkaada Katadongan Ngan Hus-
tisy-a—rs-E p. 230 ¶3-5 (5 min.)

Num. 3: Subara an Susbaranan ni Jehova
Ngan ni Jesus ha Pagpakita hin Mag-opay
nga Pamatasan (5 min.)

Katirok ha Pag-alagad:

Karantahan 132

5 min: Mga Pahibaro.

10 min: "Gamita ha Ngatanan nga Higa-
yon." Pakiana ngan baton. Ipapasundayag
an usa o duha nga suhestyon.

20 min: "Mahimo Ka ba 'Kumadi ha Mase-
donia'?" Pakiana ngan baton. Kon may-ada,
pag-interbyu hin magwarali nga binalhin
ha iba nga nasud basi isangyaw an maopay
nga sumat.

Karantahan 95 Ngan Pag-ampo

Gamita ha Ngatanan nga Higayon

¹ An tract nga *Karuyag Mo ba Hibaroan an Kamatuoran?* gindisenyo basi mabuligan kita ha pagtikang hin pag-aram ha Biblia. Kondi epektibo liwat ini nga garamiton ha 'pagsabwag hin liso' han kamatuoran. (Ekles. 11:6) Ini an pipira nga suhestyon nga mabulig ha aton nga magamit ini hin epektibo.

² **Ha Pagtikang hin Pakiistorya:** Ihatag an tract ha imo kaistorya, ipakita an unom nga pakiana ha kobre, ngan pagpakiana: "Hain hini nga mga pakiana an karuyag mo hibaroan an baton?" Katapos, hisguti tikang ha tract an baton han Biblia ha pakiana nga iya ginpili ngan

1. Mapulsanon ha ano an tract nga *Hibaroan an Kamatuoran?*
2. Paonan-o mahimo gamiton an tract ha pagtikang hin pakistorya?

basaha an usa han gin-unabi nga teksto. Basaha o isumaryo an ultimo nga pahina, ngan itanyag an *Igintututdo han Biblia* nga libro. Bisan kon diri hiya kumarawat hito, kinarawat hiya han tract nga bangin makabulig basi makatubo an kamatuoran ha iya kasingkasing.—Mat. 13:23.

³ **Kon Okupado an Tagbalay:** Mahimo ka sumiring: "Baga hin diri kombinyente para ha imo nga makiistorya yana, salit karuyag ko na la ibilin ini nga tract. Mababasa dida an unom nga pakiana nga kasagaran aton iginpapakiana, ngan an direkta nga mga baton tikang ha Biblia. Ha sunod ngan aton pagkita, karuyag ko hibaroan an imo opinyon mahitungod hini."

⁴ **Kon Nagsasangyaw ha Kalsada:** Mahimo ka sumiring: "Helo. Hain hini nga mga pakiana an karuyag mo mabaton? [Tuguti nga bumaton.] iginpapakita hini nga tract an matin-aw ngan makapatagbaw nga baton ngan mababasa ha Biblia." Kon diri nagdadali an imo kaistorya, mahimo mo hisgotan an baton tikang ha tract ngan itanyag an *Igintututdo han Biblia* nga libro.

⁵ **Mga Balay nga Waray Tawo:** Ha pipira nga teritoryo, kasagaran nga nagbibilin an mga magwarali hin literatura ha mga balay nga waray tawo pero iginbubutang ito ha dapit nga diri nakikita han mga lumalabay. Kon ordinaryo ha iyo an pagbilibin hin literatura ha balay nga waray tawo, kay ano nga diri liwat ibilin an tract nga *Hibaroan an Kamatuoran?* Ha imo pagbalik mahimo ka sumiring: "Han kinanhi kami ha naglabay, waray kamo, salit nagbilin kami hin tract. Hain hini nga pakiana an karuyag mo hibaroan an baton?"

⁶ Iginipresentsa han *Hibaroan an Kamatuoran* nga tract an kamatuoran ha simple kondi ha direkta nga paagi. Naruruyagan ito han mga tawo, anoman an ira relihiyon ngan kultura. Masayon ito itanyag bisan han mga batan-on ngan bag-ohan nga magwarali. Nangangalimbasog ka ba nga magamit ito ha ngatanan nga higayon?

3. Kon okupado an tagbalay, ano an mahimo naton isiring?
4. Ano an mahimo isiring kon nagtatanyag han tract ha kalsada?
5. Paonan-o naton mahimo gamiton ini nga tract ha mga balay nga waray tawo?
6. Kay ano nga an *Hibaroan an Kamatuoran* nga tract epektibo nga garamiton ha pagsangyaw?

Mahimo Ka ba 'Kumadi ha Masedonia'?

¹ Han mga 49 K.P. binaya hi apostol Pablo ha Antioquia ha Sirya para han iya ikaduha nga pagbiyahe sugad nga misyonero. Bibisitahan niya an Efeso ngan iba nga syudad ha Asia Minor. Kondi kinarawat hiya hin imbitasyon han baraan nga espiritu nga 'kumadto ha Masedonia.' Malipayon nga ginkarawat niya ngan han iya mga kaupod an imbitasyon, ngan nakapribilehiyo hira pag-establisar han siyahan nga kongregasyon hito nga lugar. (Buh. 16: 9, 10; 17:1, 2, 4) Yana, may mga nasud nga daku an panginahanglan hin magwarali. (Mat. 9:37, 38) Mahimo ka ba makabulig?

² Bangin karuyag mo magin misyonero pariho kan Pablo kondi waray mo pa hunahunaa hin seryoso an pagbalhin ha iba nga nasud kay bangin naghuhunahuna ka nga impossible ka makaeskewla ha Gilead tungod han imo edad o tungod kay solo ka nga babaye o tungod kay may gudtiay ka pa nga mga anak. Bangin waray mo pa hunahunaa an pagbalhin ha iba nga nasud kay nagruruhaduha ka kon mahihibaro ka hin iba nga yinaknan. O bangin dayo ka ha iba nga nasud tungod hin trabaho salit nag-aalang ka pagbalhin. Kondi, katapos han mainampon ngan pag-usisa han imo sitwasyon, bangin makita mo nga an imo kahimtang diri sadang maulang ha pagbalhin ha nasud nga may panginahanglan.

³ **Kinahanglan ba an Pagbansay Para ha Pagmisyonero?** Kay ano ngan naglamos hi Pablo ngan an iya mga kaupod? Tungod kay sinarig hira kan Jehova ngan ha iya baraan nga espiritu. (2 Kor. 3:1-5) Salit, bisan kon diri ka makakarawat hin espesyal ngan pagbansay tungod han imo sitwasyon, mahimo ka la gihap magmalampuson ha pagsangyaw ha iba nga nasud. Hinumadumi liwat nga nakarawat ka hin nagpapadayon ngan pagbansay ha Teokratico nga Eskwelahan ha Ministeryo ngan ha Ka-

1. Kay ano ngan kumadto hi apostol Pablo ngan an iya mga kaupod ha Masedonia?
2. Kay ano ngan waray maghunahuna an pipira ha pagbalhin ha iba nga nasud?
3. Kay ano ngan mahimo ka maglamos ngan pag-sangyaw ha iba nga nasud bisan kon waray ka mabansay ha pagin misyonero?

tirok ha Pag-alagad. Ngan kon tumong mo nga umiskwela ha Gilead o ha eskwelahan nga puropariho hito, an pagbalhin ha iba nga nasud basi masarihan an pagin misyonero maghahatag hin mapulsanon nga mga eksperyensya ngan magagamit kon kumarawat ka na hin du-gang ngan pagbansay.

⁴ **Edaran Na:** An kabugtoan nga hamtong ngan mahimsog daku ngan bulig ha mga nasud nga nanginginahanglan hin magwarali. Nagretiro ka na ba ha trabaho? An iba nga nakarawat hin bisan gutiay la ngan pensyon naglamos ha ira ministeryo ha mga nasud ngan diri gud developed, diin mas barato kay ha ira nasud an paraliton ngan an pagpatambal.

⁵ Usa nga retirado ngan payunir nga tigurang nga tikang ha nasud ngan Ingles an yinaknan an binalhin ha Southeast Asia ha lugar ngan parasyadahan han mga turista basi sumuporta ha grupo nga Ingles an yinaknan ngan may siyam ngan magwarali. Ini nga grupo nagsasangyaw ha 30,000 ngan langyawanon hito nga lugar. Ha sulod hin duha ka tuig, 50 na an natambong ha katirok. Ini nga bugto nagsurat: "An pagbalhin dinihi nakahatag ha akon hin makalilipay gud ngan mga bendisyon. Kulang an oras para isumat ko ito ngatanan!"

⁶ **Solo nga Kabugtoan nga Kababayin-an:** Ginagamit ni Jehova an kabugtoan nga kababayin-an ha urusahon ngan paagi ha pagpasawak han maopay ngan sumat ha mga nasud diin may daku ngan panginahanglan. (Sal. 68:11) Usa ngan batan-on ngan babaye an nagingiyap ha pagpahaluag han iya ministeryo ha iba ngan nasud, kondi syempre nabaraka an iya mga kag-anak han iya seguridad. Salit nagsilihiya hin nasud ngan maopay an kahimtang ha politika ngan ha ekonomiya, nagsurat ha Sanga ngan Opisina, ngan nakakarawat hin mapulsanon ngan espisipiko ngan impormasyon. Ha unom ka tuig ngan iya pag-ukoy hito ngan nasud, damu ngan bendisyon an iya nakarawat.

4. Kay ano ngan diri sadang maghunahuna an mga edaran na ngan impossible na hira makaboluntaryo ha iba ngan nasud?
5. Isaysay an eksperyensya han retirado ngan bugto ngan lalaki ngan binalhin ha iba ngan nasud.
6. Isaysay an eksperyensya han bugto ngan babaye ngan nagboluntaryo ha nasud diin may daku ngan panginahanglan.

Hiya nagsiring: "Ha amon talagsa la ako magkaada mga Bible study. Kondi han nagboluntaryo ako ha nasud nga may daku nga panginahanglan, nagdamu an akon Bible study ngan nag-uswag an akon abilidad ha pagtutudo."

7 Pamilya: Makakaulang ba an mga anak ha pagbalhin ha iba nga nasud basi mapahaluag an imo ministeryo? Usa nga pamilya nga may duha nga anak nga nag-iedad hin walo ngan napulo an nagdesisyon ha pagbalhin. An nanay nagsurat: "Nalilipay kami ha pagpadaku han amon mga anak didi tungod kay nakakaupod nira an mga espesyal payunir ngan mga misyonero. Nagin mas may katuyoan an amon kinabuhi tungod ha pag-alagad ha lugar diin may daku nga panginahanglan."

8 Iba nga Yinaknan: An pag-aram ba hin iba nga yinaknan nakakapugong ha imo ha pagbalhin ha iba nga nasud? Possible nga may nag-yayakan han imo pinulongan ha mga nasud nga nagkikinahanglan hin magwarali. Usa nga mag-asawa nga Ingles an pinulongan an binalhin ha nasud nga nagyayakan hin Espanyol diin may damu nga dayo nga Ingles an yinaknan. Han nakarawat nira tikang ha Sanga nga Opisina an impormasyon may kalabutan han Ingles nga mga kongregasyon nga nagkikinahanglan hin bulig, nagpili hira hin usa ngan ginbisita ito hin duha ka beses. Katapos inuli hira, nag-iban han ira gin-gagasto, ngan nagtirok ha sulod hin usa ka tuig. Han andam na hira pagbalhin, ginbuligan hira han kabugtoan hito nga lugar ha pagpamiling hin barato ng urukyan.

9 Dayo: Binalhin ka ba hin nasud, ngan dida mo hinbaroan an kamatuoran? Kondi bangin may daku nga panginahanglan hin magwarali ha iyo nasud. Mahimo ka ba umuli basi makabulig? Possible nga mas masayon para ha imo nga makabiling hin trabaho ngan urukyan ha imo nasud kay hadton taga-iba nga nasud. Dugang pa, maaram ka han yinaknan ngan posib-

7. Isaysay an eksperyensya hin pamilya nga binalhin ha iba nga nasud.

8. Possible ba an pagboluntaryo ha iba nga nasud bisan diri mag-aram hin iba nga yinaknan? Isaysay.

9, 10. Ano an mahimo tagdon hadton mga binaya ha ira kalugaringon nasud, ngan kay ano?

le nga mas mamamatil an mga tawo ha imo kay ha mga langyawanon.

¹⁰ Usa nga lalaki nga taga-Albania an pinalagiw ngadto ha Italya, nagkaada hin maopay nga trabaho, ngan napadara hin kwarta ha iya pamilya ha Albania. Han nagin Saksi hiya, nag-tutdo hiya han pinulongan han Albania ha grupo hin Italiano nga mga espesyal payunir nga mabalhin didto hito nga lugar. Hiya nag-surat: "Tikadto hira ha lugar nga akon ginbayaan. Diri hira maaram han yinaknan kondi nai-ikag pagkadto. Taga-Albania ako, pero kay ano nga aanchi ako ha Italya?" Nagdesisyon an bugto nga bumalik ha Albania basi makigbahin ha pagsangyaw. Hiya nagsiring: "Nagbasol ba ako nga ginbayaan ko an akon trabaho ngan daku nga sweldo ha Italya? Waray tungod kay nabilngan ko an *tinuod* nga trabaho ha Albania! Para ha akon, an pinakaimportante ngan pinakamakalilipay nga trabaho amo an bug-os-kasingkasing nga pag-alagad kan Jehova!"

11 Kon Paonan-o Ito Bubuhaton: Antes kumadto ha Masedonia, plano ni Pablo ngan han iya mga kaupod nga magtipaweste, kondi "gin-did-an [hira] han espiritu," salit nagtipanorte hira, ha Bitinia. (Buh. 16:6) Pero han hirani na hira didto, ginpugnhan hira ni Jesus. (Buh. 16:7) Pinaagi kan Jesus, padayon nga gin-gigiyahan ni Jehova an pagsangyaw. (Mat. 28:20) Salit, kon naghuhunahuna ka pagbalhin ha

11, 12. Ano an kinahanglan buhaton han nag-paplano pagbalhin ha iba nga nasud?

Kon Paonan-o Mahihibaroan nga May Panginahanglan an Usa nga Nasud

- Kitaa an bag-o nga *Yearbook*, labi na an may kalabutan ha ratio han magwarali ha populasyon.
- Gamita an *Index* ha pagsaliksik hin mga artikulo o mga eksperyensya mahitungod han nasud.
- Pakiistorya ha mga magwarali nga nakabisita o nakaukoy na hito nga nasud.
- Kon nagpaplano ka pagbalhin ha nasud nga may nagamit han imo yinaknan, kitaa an sekular nga mga reperensya, sugad han Internet, basi hibaroan kon pira an nagamit han imo yinaknan didto.

iba nga nasud, pag-ampo para han giya ni Je-hova.—Luk. 14:28-30; Jak. 1:5; kitaa an kahon nga “Kon Paonan-o Mahihibaroan nga May Panginahanglan an Usa nga Nasud.”

¹² Hangyoa an opinyon han mga tigurang ngan hamtong nga kabugtoan. (Prob. 11:14; 15:22) Basaha an aton mga publikasyon mahitungod han pag-alagad ha iba nga nasud, ngan pagsaliksik mahitungod han nasud nga plano mo balhinan. Mahimo mo ba bisitahan ito nga nasud bisan ha pipira la ka adlaw? Kon disidido ka pagbalhin, mahimo ka mangaro hin impormasyon ha Sanga nga Opisina hito nga nasud gamit an adres ha bag-o nga *Yearbook*. Kondi imbes nga direktang ipadara an surat, ihatag ito ha mga tigurang han iyo kongregasyon basi mailakip nira an ira komento antes nira ito ipadara.—Kitaa an *Organisado ha Pagbuhat han Kaburut-on ni Jehova*, pahina 111-112.

¹³ An Sanga nga Opisina magpapadara hin mapulsanon nga impormasyon nga makakabulig ha imo ha pagdesisyon, kondi diri ito magtatagana hin *sponsorship letter, residency, visa*, o iba pa nga dokumento, o mamimiling hin imo urukyan. Personal ini nga mga butang nga sadang mo asikasuhon *antes* ka bumalhin. Dugang pa, responsabilidad mo an pagkontak ha embahada o *consulate* basi makakuha hin impormasyon mahitungod ha visa ngan permit ha pagtrabaho. An nagpaplano pagbalhin kinahanglan may kapas ha pagtagana han iya personal ngan legal nga panginahanglan.—Gal. 6:5.

¹⁴ **Mga Nasud Diin Igindidiri an Buruhaton:** Ha pipira nga nasud, an kabugtoan sadang magmaikmat ha ira mga buruhaton ha pagsingba. (Mat. 10:16) An mga magwarali nga nabisita o nabalhin didto bangin diri tinuyo nga makadani hin atensyon ha aton buruhaton salit mahimo mameligro an kabugtoan. Kon plano mo bumalhin ha sugad nga lugar, alayon pagsurat ha Sanga nga Opisina han iyo nasud pinaagi han iyo mga tigurang antes ka bumalhin.

13. Ano an maibubulig ha imo han Sanga nga Opisina, kondi ano an imo responsabilidad?

14. Ano an sadang hinumdoman kon mabisita o mabalhin ha nasud diin igindidiri an aton buruhaton?

¹⁵ **Kon Diri Ka Makakabalhin:** Kon diri ka makakabalhin ha iba nga nasud, ayaw panluya. Bangin may iba nga ‘daku nga purtahan han buruhaton’ para ha imo. (1 Kor. 16:8, 9, NW) An iyo paramangno han sirkito bangin may hinbabaroan nga kongregasyon nga may panginahanglan nga hirani la ha iyo. Bangin makabulig ka ha kahirani nga kongregasyon o grupo nga nagamit hin iba nga yinaknan. O bangin mahimo mo pauswagon an imo ministeryo ha iyo kongregasyon. Anoman an imo kahimtang, an importante bug-os-kalag an imo pag-alagad.—Kol. 3:23.

¹⁶ May kilala ka ba nga hamtong nga bugto nga karuyag mag-alagad ha iba nga nasud? Kon may-ada, suportahi ngan dasiga hiya! Han binaya hi Pablo ha Antioquia ha Sirya, ito an ikatulo nga pinakadaku nga syudad ha Imperyo han Roma (sunod han Roma ngan Alexandria). Tungod kay daku an territoryo han kongregasyon ha Antioquia, sigurado nga kinahanglan an bulig ni Pablo, ngan mimingawon gud an kabugtoan ha iya. Kondi, waray mababasa ha Biblia nga ira la teritoryo kay maaram hira nga an “urumhan amo an kalibotan.”—Mat. 13:38.

¹⁷ Hura nga ginbindisyonan hi Pablo ngan an iya mga kaupod ha pagkarawat han imbitasyon nga kumadto ha Masedonia. Han nakadto hira ha syudad han Filipos ha Masedonia, nakita nira hi Lydia, ngan “an iya kasingkasing binuksan han Ginoo, basi makapamati gud han mga bagay nga ginyayakan ni Pablo.” (Buh. 16:14) Handurawa an daku nga kalipay ni Pablo ngan han iya mga kaupod han nabawtismohan hi Lydia ngan an iya bug-os nga panimalay! Ha damu nga nasud, may-ada pariho kan Lydia nga waray pa makabati han mensahe han Ginhadian. Kon ‘kumadi [ka] ha Masedonia,’ siring pa, mahimo mo maeksperryensyahan an kalipay han pakabiling ngan pagbulig ha ira.

15. Paonan-o mapapauswag han diri makakabalhin ha iba nga nasud an iya ministeryo?

16. Paonan-o naton tatagdon adton naruruyag pag-alagad ha iba nga nasud?

17. Kay ano nga sadang naton hunahunaon an ‘pagkadto ha Masedonia’?

SEMANA HAN AGOSTO 29

Karantahan 33 Ngan Pag-ampo

□ Pag-aram ha Biblia han Kongregasyon:

cl kap. 9 ¶18-24, kahon ha p. 96 (25 min.)

□ Teokratiko nga Eskwelahan ha Ministeryo:

Pagbasa han Biblia: Salmo 110-118 (10 min.)

Reposo ha Teokratiko nga Eskwelahan ha Ministeryo (20 min.)

□ Katirok ha Pag-alagad:

Karantahan 128

10 min: Mga Pahibaro. Gamita an sampol nga presentasyon ha pahina 8 ha pagpasundayag kon paonan-o makakagtikang hin pag-aram ha Biblia ha siyahan nga Sabado han Septiembre, ngan aghata an ngatangan nga makigbahin. Magkaada pahayag basado ha "Pagtanyag hin Daan na Magasin o Brosur nga Maruruyagan han Imo Kaistorya."

15 min: Madasigon Bisan kon Lagas Na. Paghisgot basado ha 2011 Yearbook, pahina 61, parapo 1-2; pahina 67, parapo 1; ngan pahina 135, parapo 2, tubtob ha pahina 136, parapo 1. Hangyoa an mamarati nga isaysay an leksyon nga ira hinbaroan.

10 min: Pag-andam ha Pagtanyag han mga Magasin ha Septiembre. Pakighisgot. Repasoha hin usa o duha ka minuto an mga magasin. Katapos pagpili hin duha o tulo nga artikulo, ngan aghata an mamarati nga magsuhestyon hin mga pakiana ngan mga teksto nga magagamit ha pagtanyag hito. Ipapasundayag kon paonan-o itatanyag an tag-sa nga magasin.

Karantahan 122 Ngan Pag-ampo

"Pagtanyag hin Daan nga Magasin o Brosur nga Maruruyagan han Imo Kaistorya"

Durante han mga bulan nga nagtatanyag kita han *Igintutdo han Biblia* nga libro ngan hin pag-aram ha siyahan nga pagbisita, gin-aaghat kita "ha pagtanyag hin daan nga magasin o brosur nga maruruyagan han [aton] kaistorya" kon may-ada na libro an aton kaistorya pero nadiri dumarahan hin pag-aram han Biblia. Kay ano?

An daan nga mga magasin ngan mga brosur naghiihisgot hin magkalain-lain ngan napapanahan nga mga topiko, ngan bangin usa hito an makabantad han imo kaistorya. Salit kon nag-aandam han mga gamit para ha pagsangyaw, iupod an pipira nga daan nga mga magasin ngan brosur. Kon waray ka daan nga mga magasin, bangin makakuha ka hito ha iyo kongregasyon.

Kon an imo kaistorya may-ada na *Igintutdo han Biblia* nga libro kondi nadiri mag-aram han Biblia, puydi mo ipakita an imo dara ngan daan nga mga magasin ngan brosur ngan ihatag an iya naruruyagan. Katapos, pakigsabot ha pagbalik basi makultibar an interes. Ha urhi, bangin umuyon hiya nga mag-aram han Biblia.

Reposo ha Teokratiko nga Eskwelahan ha Ministeryo

An masunod nga mga pakiana ha reposo paghihisgotan ha Teokratiko nga Eskwelahan ha Ministeryo durante han semana nga nagtitikang ha Agosto 29, 2011.

1. Kay ano nga an mahigugmaon nga kaloooy han Dios 'maoroopay pa han kinabuhi'? (Sal. 63:3) [w01 10/15 p. 15 par. 17]
2. Ano an iginpapakita han Salmo 70 mahitungod kan David? [w08 9/15 p. 4 par. 4]
3. Ano an iginpapahamangno han Salmo 75:5? [w06 7/15 p. 11 par. 2]
4. San-o kita labi nga makakalaom nga pama-mati ni Jehova an aton mga pag-ampo? (Sal. 79:9) [w06 7/15 p. 12 par. 5]
5. Ano an aton mahibabaroan ha Salmo 90: 7, 8 may kalabutan ha "mga tinago nga sala"? [w01 11/15 p. 12-13 par. 14-16]
6. Sugad han iginpapakita han Salmo 92: 12-15, ano nga importante nga responsabilidad an iginhatag ha mga lagas nga kabugtoan ha kongregasyon? [w04 5/15 p. 13-14 par. 14-18]
7. Sumala ha Salmo 102:25-27, nasumpaki ba an salmista ha waray kataposan nga katuayoan han Dios ha tuna? (Gen. 1:28) [w08 4/1 p. 12 par. 1]
8. Ano nga leksyon an aton mahibabaroan ha Salmo 106:7 mahitungod ha kapakyas ha paggamit han pagsabot? [w95 9/1 p. 19 par. 4-p. 20 par. 2]
9. Sumala ha Salmo 110:1, 4, ano nga panumpa an iginpahayag ni Jehova mahitungod ha iginsaad nga Binhin, o Messias, ngan paonan-o ito magbibendisyon ha ngatangan nga katawohan? [cl p. 194 par. 13]
10. Han ginpamalandong han salmista an mga bendisyon ha pag-alagad ha Dios, ano an epektu hito ha iya? (Sal. 116:12, 14) [w09 7/15 p. 29 par. 4-5]

SEMANA HAN SEPTYEMBRE 5

Karantahan 75 Ngan Pag-ampo

❑ Pag-aram ha Biblia han Kongregasyon:

cl kap. 10 ¶1-7 (25 min.)

❑ Teokratiko nga Eskwelahan ha Ministeryo:

Pagbasa han Biblia: Salmo 119 (10 min.)

Num. 1: Salmo 119:49-72 (4 min. o minus pa)

Num. 2: Kon Kay Ano nga Igin-aaghah han Kasuratan an Kahadlok kan Jehova—Deut. 5:29 (5 min.)

Num. 3: Papahinaboon han Ginhadian han Dios nga Mabanhaw an mga Patay—rs-E p. 230 ¶16-p. 231 ¶3 (5 min.)

❑ Katirok ha Pag-alagad:

Karantahan 111

5 min: Mga Pahibaro.

10 min: Ano an Aton Hinbaroan? Pakighisgot. Ipabasa an Buhat 5:17-42. Hisguti kon paanon-o ini nga teksto makakabulig ha aton pagministeryo.

10 min: Lokal nga mga panginahanglan.

10 min: Mangandam Para ha Ministeryo Sugad nga Pamilya. Mga interbyu ngan pasundayag. Pag-interbyu hin usa nga mag-asawa ngan hin usa nga pamilya upod an mga anak kon paanon-o nira ginagamit an Pagsingba han Pamillya ha pagpangandam para ha ministeryo. Ipapsundayag hin halipot ha usa han ulo han pamilya upod han iya pamilya kon paanon-o nira ginbubuhat ito.

Karantahan 88 Ngan Pag-ampo

Mga Pahibaro

■ Tanyag para ha **Agosto:** Bisan ano nga brosyur. **Septyembre:** Ano Gud ba an Igintututdo han Biblia?

Oktubre: Barantayan ngan **Awake!** **Nobyembre:** An Biblia—Ano an Mensahe Hito? o bisan ano nga brosurya nga may-ada an iyo kongregasyon.

■ Tikang ha Septyembre, ipipresenta han mga paramango han sirkito an pahayag nga may ulohan nga "Makighiusa ha Malipayon nga Katawohan han Dios" ha ira pagbisita ha mga kongregasyon.

■ An kada kongregasyon makarawat hin duha nga kopya han *Congregation Analysis Report* (S-10). Husto ngan klaro nga isusurat dinihi han sekretaryo an gin-aaro nga impormasyon, katapos uusisahon ito han Komite ha Pag-alagad. Ipadara an oriinal nga kopya ha Sanga nga Opisina ha Septyembre 6 o antes hito.

■ **Tinuig nga mga Order:** An ngatanan nga order han *Pag-usisa han Kasuratan Adlaw-adlaw—2012*, an *2012 Yearbook*, an *2012 Calendar*, an *2011 Watchtower* ngan *Awake!* nga mga Volume, ngan an *2011 Watch-*

tower Library hahangyoon han magwarali ha Sekretaryo nga mag-oorder hito gamit an *Literature Request Form* (S-14) **diri malahos ha Agosto 1.** An *Pag-usisa han Kasuratan* nga bokleta makukuha ha walo nga yinaknan, samtang an *Yearbook* ha Cebuano, Ingles, Hiligaynon, Iloko, ngan Tagalog la. An *Watchtower Library* makukuha ha Ingles ngan Tagalog la, ngan an mga Volume ngan *Calendar* ha Ingles la.

Sampol nga mga Presentasyon

Ha Pagtikang hin Pag-aram ha Biblia ha Siyahan nga Sabado han Septyembre

"Kada adlaw nag-aampo an mga tawo, anomian ira nasyonalidad ngan relihiyon. Ha imo hunahuna, ginpapamatian ngan ginbabaton ba han Dios an *ngatagan* nga pag-ampo?" Tuguti nga bumaton. Katapos tagi an tagbalay hin kopya han Septyembre 1 nga *Watchtower*, ngan hisguti niyo nga duha an baton ha siyahan nga pakiana ha pahina 16 ngan basaha an bisan usa la nga teksto nga gin-unabi. Itanyag an magasin, ngan pakigsabot ha pagbalik basi hisgutan an baton han sunod nga pakiana.

THE WATCHTOWER® Septyembre 1 ANNOUNCING JEHOVAH'S KINGDOM

Ipakita an kobre han magasin, ngan siring: "Ano an imo baton hini nga pakiana? [Tuguti nga bumaton.] Tigamni an ginsisiring han Biblia. [Basaha an 1 Juan 5:19.] Sumala hini nga teksto, an Yawa o hi Satanas an nagmamando han kalibutan. Kondi nagbabangon ito hin pipira nga pakiana. Diin nagti-kang an Yawa? Tinuod ba hiya nga persona? Tubtot san-o hiya tutugotan han Dios nga magmando? Iginpapakita hini nga magasin kon ano an ginsising han Biblia."

Awake!® Septyembre

"Damu yana an naiestres tungod hin problema ha pinansyal. Kay ano daw la nga makuri ipaigo an kita? [Tuguti nga bumaton.] An Biblia nagsusulod hin maaramon nga mga prinsipyo nga nakakabulig ha damu ha pagbadyet han ira kita. [Basaha an usa han mga teksto ha pahina 8-9.] Ini nga magasin naghatag hin praktikal nga mga suhestyon para hadton nangangalimbasog pagbayad hin utang."

Makatirigamnan nga Report ha Ministeryo

Makalilipay gud nga damu an sumuporta ha pag-aghat nga mag-auxiliary payunir han Abril! Inabot hin 44,351 an nakigbahin hinin espesyal nga buruhaton, sobra 30% han mga magwarali ha kongregasyon! Sugad nga resulta, sobra 4 ka milyon nga oras an nagamit ha ministeryo ngan 194,916 an nadumaranhan hin pag-aram. Oo, daku gud ini nga kadawayan kan Jehova!